

سنه لکی درسعات ایچون مجیدیه
یکرمی غروش حسابله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

قانون مملکت علییه

آبونه اولمق ایستینلر دائره عدلیه ده
اداره مخصوصه سنه مراجعت
ایملدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تبلیغات

اورمان تحریری و خلاف اصول قطعیات اجرایی
کبی افعال و حرکاتک جنحه نوعندن اولمسی و اورمان
مأمورلرینک دخی قانوناً ضابطه عدلیه دن معدود
بولنسی اعتباریله افعال مذکورده دن متولد و تضمینات
ایله جزای تقدی به متفرع اوله رق اقامه اولنان
دعاویدن دولای محاکم عائد سنجه بر کونه خرج اخذی
لازم کله چکی بیانه و افادات سائر به دائر اورمان
و معادن و زراعت نظارت جلیله سندن وارد اولوب
انجمن عدلیه به حواله قلنان ۱۰ حیزران سنه ۳۲۲
تاریخی تذکره ایله اوراق متفرعه سی اوزرینه اورمانلرک
تصرفاته و حدود منازعاته دایر محاکم حقوقیه و دمت
ایله سائر یولده سوء استعمالاتی تبیین ایدن مأمورین
علیهنه اوله رق مجالس اداره ده رؤیت و حکم اولنان
دعاویدن دولای اورمان اداره مأمورلرینک ایجاب
ایدن خرج و رسموی تأدیه به مجبوریتلری تذکره
مبحوئه جمله مندرجاتندن بولنش و اوراق متعلقه
میاننده موجود اولان نظارت مشارالیه انک ۲۹ مارت
سنه ۳۲۱ تاریخی دیگر تذکره سنده دخی ضابطه عدلیه دن
معدود اولان مأمورین مومی الیه مک مدعی شخصی
فرض اولنسه بیله اموال و اشیا تسلیمی و یا بر مبلغ
معین تحصیلی حکم ایدلمدکجه خرج و رسم استیفاسی
رهین جواز اوله میه جنی کوستریلرک شو صورتله
مدعی شخصی صفتندن بشقه قانوناً کندولرینه بخش
اولنش بر صلاحیتی حائر اولیان اورمان مأمورلرینک
مراجعت واقعه سی اوزرینه تضمینات و جزای تقدی
اولمق اوزره حکم آلتیه آلتان مبالغک خرجه تابع
اولدینی یولنده کی انجمنک مطالعات سابقه سی تصدیق
ایدلمش اولمغله برابر اورمانلره متعلق دعاویدن خرج
اخذی لازم کلوب کله چکی کیفیتی دعاوی مذکورده نک
صورت اقامه سیله حکم اولنان مبالغک جهت عائدتی
نقطه سندن تعیین اولنق مقتضی اولوب نظارت مشار
الیه انک یا لکتر تضمینات و جزای تقدی به متدائر
بولنان احکام لاحقه نک خرجه تابع اولمدینی خصوصه

منحصر اولان اشعار اخیری اورمان مأمورلرینک
ضابطه عدلیه دن اولدق لری اساسه مبتنی بولنش ایسه ده
آنفاً بیان اولندینی وجهله مأمورین مومی الیه مک
امور عدلیه به عائد وظائف محدوده سی ایجابجه محاکمه
مراجعت خصوصه مدعی شخصی صفتی حائر
اولمیرینه و اساساً اورمان اداره لرینه عائد اولان جزای
تقدی ایله تضمینات اخذینی مستلزم اولان افعال
و حرکاتدن دولای دیگر مواد جزائیه مثللو مدعی
عمومیلرک حقوق عمومیه نامنه طوغریدن طوغری به
اجرای تعقیباته صلاحیتلری اولیوب بوباده مأمورین
عائده سی جانبندن طلب و ادعا و قومی مقتضیات قانونیه دن
اوله رق علی الخصوص بو قبیل جزای تقدیلرک هرا یکی
بشکی مقابلنده محکوم علیه ک بر کون حبسی لزومی
میین اولان اورمان نظامنامه سنک الی ایکنجی ماده سنک
اخیراً بالتعذیل اولباده کی مقرراتک معاملات تنفیذیه سی
اعلامات حقوقیه نک تابع اولدینی اجرا قانوننک طقسان
بر کوندن عبارت اولمق اوزره تعیین ایدلیکی حبس
مدتی تجاوز ایتماک قیدیه تقید ایدلمش اولمسنه
نظراً بو خصوصاته متدائر دعاویدن دولایده خرج
تعرفه سی مندرجاتنه توفیقاً و امثاله قیاساً محکوم
علیهمه حق مراجعتی محفوظ اولمق شرطیه اقتضا
ایدن خرج و رسومک اول امرده مأمورین اداره
جانبندن تسویه سی طبعی بولنش اولدینی انجمن
مذکورده افاده قلنمشدر.

عده نظامت جلیله سنده عده مندرک لاکم استینافیه مدعی عمریلرینه نظیر قلناه خبرات مموبه صوبه در:

اخیراً تعدیل اولنان تمغا قانوننامه سنک تأخر
ایصالندن طولای مدت معینه سی ظرفنده حکمی
تطبیق ایدیه میان محللرجه قانون مذکورک وصوله قدر
تنظیم و تعاطی ایدیلان اوراق و سنداتنه قانون معدل
حکمنجه نقصان پول یا پیشدیرلمش ایسه بونقصانک
اکالیه اکتفا اوله رق بر کونه جزای تقدی آرائنامه سی
خصوصه لدی العرض اراده سنیه حضرت خلافتناهی

شرفتعلق بیورلدینی اولباده کی بیورلدی سامی به عطفاً
مالیه نظارت جلیله سندن بیلدیرلمش و مأموریتلری
داخلنده بولنان محاکمه لاجل التبلیغ اشبو تحریراتک
نسخ مطبوعه کافیه سی لفاً ارسال قلنمش اولمغله
اکا کوره ایفای معامله اولنمنی سیاقنده

محاکمات و مقررات

محکمه تمیز استدعا دائره سندن تنظیم و اعطا
قلنان اعلامدر:

سیواس ولایتی مرکز بدایت محکمه سی جزا
دائرة سندن استینافاً لاحق اولوب ۲۴ کانون اول سنه
۳۲۱ تاریخنده تفهیم ایدیلان وظیفه قرارینی حاوی
اعلامک تمیزینی مستدعی محکمه مذکورده مدعی عمومی
معاونلکی طرفندن ویریلان ۲۷ کانون اول سنه ۳۲۱
تاریخی استدعا نامه و اوراق متفرعه سی باش مدعی
عمومیلک مأموریت بهیه سنک ۱۹ حیزران سنه ۳۲۲
تاریخی تبلیغنامه سیله محکمه تمیز استدعا دائره سنه
تودیع اولمغله لدی التدقیق استدعا نامه مذکورک مدت
قانونیه به موافق اولدینی اکلاشلدیغندن اوراق مرقومه
دائرة جه قرائت و مطالعه اولندی.

اعلام مذکورک مالی مانوق و مغرک بغدایلرینی
سرقت ایتدیکی ادعاسیله مظنون علیهما اولان آغوب
زوجه سی خنازک طقوز ماه مدتله حبسنه دایر بدایه
و غیاباً ویریلان قرارک استیناف ایدلمسی اوزرینه
جریان ایدن محاکمه استینافیه ده اعلام غیابی مستأنفه
۵ حیزران سنه ۳۲۱ تاریخنده تبلیغ و استیناف
استدعا نامه سنک دخی ۹ حیزران سنه ۳۲۱ تاریخنده
اعطا اولندیغنه نظراً اعتراض مدتی مرور ایتماش و بر
اعلامک طرق عادیه ایله فسحی اسبابنه توسل قابل
ایکن طرق فوق العاده به توسل ایدلمسی اصول و قواعد
قانونیه به مخالف بولنش اولدیغندن بحثله مذکور
استیناف استدعا نامه سی اعتراض علی الحكم عرفحالی
مقامنه قائم اولمق و محللرجه و جاهاً محاکمه لری اجرا

قلنق اوزره اوراقل بدایت محکمه سنه اعاده سه قرار ویرلیدکندن و مذکور استدعای نامده مندرج اعتراضک خلاصه سی دخی غیباً لاحق اولان حکم لک محکوم علیه تبلیغ اولدیغی کوندن اعتباراً اون کون طرفنده استیناف اولنسی و یو مدت تجاوز ایدر ایسه حق استینافک ساقط اوله جنی اصول محاکمات جزائییه قانوننده مصرح ایکن اشبوصراحت قانونیه موجنبه استیناف استدعا نامه سی مدت قانونیه سی طرفنده ویرلش اولدیغی حالده بروجه محرر قرار ویرلشی مخالف قانون اولدیغندن بمثل مذکور اعلامک تقضی طلبندن و تبلیغ نامه ک مفادی دخی مذکور استدعای نامه مدت استینافیه طرفنده اعطا قلنق دعوانک استینافاً تدقیق استدعا قلمش اولسنه نظراً محکمه مذکورده بروجه محرر قرار ویرلشی مخالف قانون اولدیغندن اعلام مذکور تقضی لازم که چکی بیاندن عبارتدر .

ایجابی لدی المذاکره اصول محاکمات جزائییه قانونک یوز سکسان بشنجی ماده سنده محرر اولدیغی اوزره غیباً محکوم اولانلره اعلام غیبانک تبلیغ تاریخندن اعتباراً اون کون طرفنده اعتراض ویا استیناف ایتمکده مخیر اولدقاری جهتله محکمه مذکورده مزبورده نک استدعای بالتدقیق مدتی طرفنده ویرلیدی کلاشلدیغی حالده استینافاً دعوائی رؤیت ایتک لازم کلورکن اعتراضاً تدقیق اولدیغندن بمثل بدایت محکمه سنه حواله ایلمی یولسز و مغایر اصول وقانون اولدیغندن قانون مذکورک اوچوزاون دردنچی و اوچوزاون طقوزنجی ماده لری احکامنه توفیقاً اعلام استیناف مذکورک نقضنه و اوراق مذکورده ک محله اعاده سنه ۱ تموز سنه ۳۲۲ تاریخنده متفقاً قرار ویرلیدی .

محکمه تمیز حقوق دائره سندن تنظیم واعطا قلن ان اعلامدر :

بازار کوی قصبه سنده ساکن بوسنه لی فسجی صالح افندی ایله در سعادته مقیم تجاردن علکسان افندی بینده متکون دعوائیه دائر بازار کوی بدایت محکمه سندن تجارت صفی ۲۸ اغستوس سنه ۳۱۸ تاریخنی ویکرمی بر عددی ایله ویریلان اعلام مومی الیه صالح افندی طرفندن تمیز ایدلمکله اعلام مذکور طرفنک اعتراض وجواب لایحه لریه بالمطالعہ تدقیقات تمیزیه اجراسنه ابتدار قلندی .

اعلام مذکورک خلاصه مائی مرقوم علکسان افندی نیک وکی اغوب افندی موکلی علکسان افندی برقطعه سند موجنبه مومی الیه صالح افندی ذمتده غیراز استیفا مطلوبی اولان او تونزیدی

عدد لیرای عثمانی یتش ذرت ساتیمک تأدییه سنده مخالفت ایتمکده اولدیغندن بمثل مومی الیهک افلاسنه اعطای حکم ایله برابر مبلغ مذکورک مع فاض کندوسندن تحصیاتی طلب ودعوی وسند مذکور ایله ایکی قطعه مکتوب و برقطعه فاطوره ابراز واعطا ایتمسه قارشو مومی الیه صالح افندی دخی مدعی ایله اولجه وقوعبولان اخذ واعطاسنی قطع و بالجله دیوناتی تسویه ایتدیکندن مزبور سند کندوسنک اولدیغنی وحاوی اولدیغی مبلغ دخی دینی بولنمدیغنی مدافعه انبا و مذکور مکتوبلری انکار ایتش ایهده بوبایدکی دفعنی اصولاً اثبات ایده میوب طالب تحلیف اولسی اوزرینه در سعادته بولنان علکسان افندی به توجه ایدن یمینک اجرا ایتدیرلشی ضمتنده در سعادت ایکنجی محکمه تجارت ریاسته مدعی وکیلک طلیله اشعار کیفیت اولندقدن صکره جریان ایدن محاکمه و تدقیقات نتیجه سنده مدعی مزبور علکسان افندی ک مدعی علیه صالح افندی ذمتده بروجه محرر او تونزیدی عدد لیرای عثمانی یتش ذرت ساتیم مطلوبی بولندیغی مومی الیه صالح افندی ک سالف الذکر تسلیات حقته کی دفعنی اثباتدن اظهار بخیزله تکلیف ایلدیکی یعنی مدعی علکسان افندی قبول و اجرا ایلدیکی ایکنجی محکمه تجارت ریاستدن مورد جوابدن اکلاشلمش اولدیغندن مدعابه او تونزیدی لیرا یتش ذرت ساتیمک مدعی علیه صالح افندی تحویلنه حکمدن و مستدعینک اشبو حکم علیهده لایحه سنده محرر باشلوجه اعتراض یمینک حضور حا کده و مواجهه خصمهده اجراسی احکام قانونیه اقتضاسندن بولندیغی حالده مخالف قانون اوله رق مدعینک در سعادته بولندیغی سر رشته سیله کندوسی حاضر المقتسزین در سعادت ایکنجی تجارت محکمه سی معرفیه اجرا ایتدیریلان تحلیفه بناء کندوسنک محکومیتنه قرار ویرلشی یولسز و مخالف اصول وقانون اولدیغندن بمثل اعلام مذکورک تقضی و مدعی علیهک لایحه سنده محرر نتیجه جوانی دخی موافق اصول وقانون اولان اعلامک تصدیق طلبندن عبارت بولمشدر .

ایجابی مذاکره اولندقدن اعلام مذکور مألندن اکلاشلدیغی اوزره مدعی علکسان افندی به توجه ایدن یمینک مواجهه خصمهده و یا خود خصمنک تعیین ایده چکی وکیل حضورنده اجراسی احکام قانونیه اقتضاسندن اولدیغی حالده محکمه جه خصمنک غیابنده یمین اجراسیه حکم اولنسی مغایر قانون اولدیغندن اصول محاکمه حقوقیه قانونک ایکی یوز او تونز ایکنجی ماده سی موجنبه اعلام مذکورک تقضیه قانون

مذکورک ایکی یوز قرق دردنچی ماده سنک فقره اولاسی حکمنه توفیقاً کیفیتک صورت مشروحه دائره سنده تکرار بالرؤیه اعلامه ربطی ضمتنده محکمه مذکورده اعاده سه و اولجه مستدعی تمیزدن النان یوز الی غروشله بوکره مدعی علیه دن استیفا قلنان ایکی یوز قرق اوچ بحق غروشله جمعاً اوچوز طقسان اوچ بحق غروش مصارف تمیزیه نک ایلروده حقسز چقه حق طرفه عائد اولسنه ۵ مارت سنه ۳۱۹ تاریخنده متفقاً قرار ویرلیدی

۵۵۱ نومرولی نسخه ده مندرج در سعادت جنایت محکمه سی اعلامنک بقیه سی :

اظهار حق ایچون تسبب اولنان شاهدلردن حمدی افندی ورود ایتدیکندن و تبلیغات اجرا قلندیغه دائر جواب کلدیکندن جانب ریاستدن مومی الیهک جلبندن فراغت ایدیلرک اکلا دلدی .

طرفینک توسیع تحقیقاته متعلق طلبلری اولدیغی لدی السؤال تعیین ایتمکله تحقیقاتک بوندن عبارت اولدیغی بیان اولندقدن معاون مومی الیه متهم ملتیدینک مغردیجی بالمنازعه جرح و قتل ایتدیکی ثابت اولدیغندن اولوجهله تجریمنی طب وادعا ایتدی .

مدافعه وکیلی نجائی افندی بوقعه ده حیاتی افنا اولنان مغردیجی اولدیغی حالده آنک متهمدن هیچ برکونه ادعای اولدیغنی قبل الوفا سولشی تعرضک کندوسبنده اولدیغه دلالت ایتدیکی کبی موکلنک افاده سی وجهله قتلک بالمدافعه وقوی دخی ثابت ایدوکی و چونکه مغردیجی مذکور خانه ده دوام ایتمکده ایکن طرد اولنشی و متهم دوامه باشلامش و بوندن طولانی مقتولک متهمه بسلدیکی خصومت ساقه سیله بکلیه رک هجوم ایتش ایدوکی و متهمکده مدافعه آتی جرح و قتل ایتدیکی اکلاشلقدن ماعدا شرائط مدافعه دن اولان استمدادک وقوعینده شهوددن بعضی سنک برس ایشتنک دیمسنک تأیید ایتدیکی و اظهار حق وادعا شهودندن بعضی مقتول مغردیجک النده بچاق اولدیغی حالده چقوب قوشدیغنی خبر ویرملری دخی بشقه جه صدق افاده سته خادم کورنیکینی سرد ایله متهمک معافیه قرار ویرلشی استدعا و متهمده بشقه دیه چکی اولدیغنی انبا ایلرله محاکمه نک ختام بولدیغی تفهیم اولنهرق مذاکره اوطه سنه کیدلیدی .

تفصیلات مضبوطه وجهله طرفینک ادعا و مدافعه لری استماع و بالجله اوراق تحقیقیه مطالعه و تدقیق و کیفیت تعمیق واستطلاع اولندقدن صکره جریان

ایدن مذاکره ده مغردیجک قلندن طولانی متهم بولنان ملتیدینک مقری کوبنده کائن علقونک خانه سه علاج کورتوروب خدمتی به ویردرک یوقاری به چیقق اوزره شایقه و لاستیکلری چقارر ایکن اسنک مغردیجی اولدیغنی بالاخره ایشتنیکی شخصک النده بچاق اولدیغی حالده مطبخ قوسندن چقهرق کندوسنه هجوم ایتسیله مرقومی یره باصدیروب الندن بچاغی آتش ایهده تکرار قاتلهرق النی بلنه کورتوروب کندن رووورتشیر ایدییور ظنیله یقلا یوب یره و شور دیکنی حضور محکمه ده تذکار و کندوسنی اورده حق ظنیله محافظه نفس ضمتنده جرح ایتدیکی تسویه لیکنی اظهار حق شهودندن شوکت افندی ک شهادتی اوزرینه اقرار ایتمسه و قبل الوفا مقتولک دخی جارچی متهم اولدیغنی تعیین ایتش اولسنه کوره قتل مذکورکی متهمک اقباع ایتدیکی عیان و بحث ، جرمک وقوی صورتته و وکیل مدافعک مدافعه سنک ماهیته انتقال ایتدکده مقتول مغردیجی اوطه ده مداینه معامله سندن طولانی کوریشورلر ایکن متهم ملتیدینک بالورود اوطه دن ایچرو دخولنده مغردیجی کورمسیله و کفر ایدرک بوراده نه طورییورسک بنده سنی آرایور ایدم دیمسیله یکدی کیرینه صار یلهرق اوطه دن خارجه چقدققرنی ادعا شاهده سی هرقلیانک مع القسم بیان و اظهار حق شاهده سی افرینیک دخی بلا حلف در میان ایتلردن ابتدا تعرض و هجوم متهم طرفندن وقوعبولش اولدیغنک استدلال اولنسنندن و قتل اولان خانه ده واشبو خانه نک قیوسنده برکونه آلت جارجه بولنامسندن آلت قاتله نک وقعه عقینده قوشمقدن اولان مقتولک بدنده ظهور ایدن بچاق اولدیغی و مقتولک جریحه دار اولدیغی صرده جان هولیه مذکور بچاغی متهمک یدندن اخذ ایله قرار ایلدیکی مستبان اولسنه و قتل و قاتل ایدن برآمدک وجودی اوله میه جغندن دعوی ایده میه چکی شویله طورسون ذاتاً بومقوله آسایشه متعلق دعوی مدعی عمومینک وظیفه سه مرتب احوال دن و متهمیه مدافعه ویا مقابله جرحه اجبار ایده چک سبب بولنه مدیغی واستمدادک قتل اولان خانه ده بولنان قادیلر جانبندن وقوعبولش اولدیغی مثلاً مقتولک متهمی بکلدیکی سوزیده برکونه ادله یه مستند اولیان اقوال دن بولنسنه مبنی متهمک تأویلاتی و وکیلنک کافه مدافعاتی غیر مقبول و نهایت مافی الباب متهم ملتیدینک ۳۲۱ سنه سی تشرین ثانیسنک اون دردنچی بازار یرتسی کونی مقری کوبنده ساقز اغاجیده فوطا کی زوجیه سی افرینیک خانه سنده بالمنازعه مغردیجی جرح و قتل ایلدیکی حقوق تقدیریه ایله حیزشوبته موصول اولغله مرقومک قاتل متهور اولق

اوزره مجرمیتنه وجاهاً و متفقاً قرار ویریلرک محاکمه اوطه سه عودتله قرار مذکور علناً قرائت ویرلش اولندقدن معاون مومی الیه مجرم ملتیدینک قانون جزانک یوز یتش دردنچی ماده سنک فقره اولاسنه توفیقاً تعیین جزاسنی و مدافعه وکیلی الیه متهمده دیه چک لری اولدیغنی سوللر یله بوجهت محاکمه نک دخی تکمیلی تفهیم اولنهرق تکرار مذاکره اوطه سه کیدلیدی .

جهت جزائییه حقنده دخی مذاکره کیفیت اولندقدن مجرم ملتیدینک حرکتی جزا قانوننامه هاپوننک یوز یتش دردنچی ماده سنک فقره اولاسنه موافق فقره مذکورده برکیسه من غیر تعمد بر شخصی اتلاف یتش ایسه اون بش سنه مدتله کورک قونیلور عبارته سی ناطق اولدیغندن اشبو حکم قانونیه توفیقاً وابتدای توقیفی اولان ۳۲۳ سنه سی شوالنک برنجی کوندن اعتباراً اون بش سنه مدتله کورک قونلنه و مصارف محاکمه اولان یوز سکسان غروشلک دخی کندوسندن بالتحصیل عدلیه و نه سنه تسلیم ایتدیرلسنه ۳۲۲ سنه سی حزراننک سکرتنجی کونی وجاهاً و متفقاً قرار ویریلرک اصول تفهیمی ایضا قلندی .

اعلامات

در سعادت استیناف مدعی محرمیلکنده :
بیک اوچوز یکریمی ایکی سنه سی تشرین ثانیسنک اون سکرتنجی جمع ایرتسی کونی کوز تپده رژی قولجی شکرینی بالتهور جرح و قتل ایلدیکی ادعایله مظلون علیه اولوب حال فرارده بولنان چفته حوضلرده بکچیلک ایدن اوزون بویله قاره قاش و صاجلی بیاض بکزیلی یکریمی اوچ یاشلرنده اشقودرلی آدمک اصول محاکمات جزائییه قانونک مواد مخصوصه سی احکامنه توفیقاً جنایت محکمه سنده محاکمه سی اجرا قلنق اوزره قانون جزانک یوز یتش دردنچی ماده سی موجنبه جنایتله اتهامه قرار ویرلیدیکندن متهم مرقومک هر زده کوریلورسه طوتیلوب محکمه مذکورده توقیفخانه سه تسلیسی لازم که چکی بالجله ضابطه عدلیه مأمورلرینک معلومی اولق اوزره اشبو اخذ و گرفت مذکره سی در سعادت هیئت اتهامیه سندن بالتتنظیم اعطا قلندی .

در سعادت منابت محکمه سنده :
اوچوز یکریمی ایکی سنه سی تشرین اولنک برنجی کیجه سی غلطه ده کوریکیلر باشند خایم برادرلرک مغازه

سندن آلت مخصوصه استعمالیه سر قته اجتسار ایتدک لری ادعایله اتهام اولنانلردن بولنوب عقیب وقعه ده فرار یتش اولان اوزون بویله ، ضعیف وجودلی ، قرال بیقلی ، و مطروش اسمر بکزیلی صول یاشاغنده یانق تمغاسی بولنان واقامتکه و تابعیتی مجهول اولان تخمیناً الی یاشلرنده آندریا ایله اورته بویله ، شیشبان قرال بیقلی ، مطروش ابلاق چهره لی تخمیناً او تونز بیاشرلرنده یورکی نام شخصلر الله ایدیلر مامش اولدقارندن تاریخدن اعتباراً جانب ریاستدن کندولرینه مجدداً اون کون مهل اعطا قلنمشدر مهل معین طرفنده مرقومون محکمه یه کلدک لری حالده قانونه اطاعت ایجامش نظریله باقیلهرق حقوق مدنیه دن اسقاط قلنجه قاری وعلیلرنده دعوائیه قیام اوله جنی و محاکمه غیاییه لری اشناده ماللرینک حجر آتیه اله جنی و بولندقاری محلی بیلنلر خبر ویرمهک و بالجله ضابطه عدلیه مأمورلرینک کندولرینی طومتغه مجبور بولندقاری امری اعطا و معاملات حجزیه حقنده دخی مدعی عمومیلکه تبلیغات مقتضیه اجر ایلدیکی جهتله اصول محاکمات جزائییه قانونک اوچوز یتش برنجی و اوچوز یتش ایکنجی ماده لردن استنباط اولنان احکامه توفیقاً اشبو قرارنامه بالتتنظیم اعلان اولنور .

نجات بریه محکمه سنده :
قوزغنجقده خانه سنده ساکن ایکن تجارت بحریه محکمه سندن افلاسنه حکم اولنشی اولان ابنیه قلعه سی ساموئل بهار میشون ذمتده اله جنی اثبات ویا موقتاً قبول وقید ایتدیرمش اولان اله جق لورک قانوننامه تجارتک ۲۱ نجی و آتی ولی ایدن ماده سی موجنبه مفلس طرفندن تکلیف اوله جق قوققور داتونک مذاکره سی ایچون ۳۲۲ سنه سی شاطنک اون طقوزنجی بازار ایرتسی کونی محکمه مذکورده نک مصالح افلاسیه رؤیتیه مخصوص اوطه سه کلری اعلان اولنور .

بک اوفی بدایت محکمه سی امرای دره سنده :
محمد امین افندی بک اوغلی بدایت محکمه سی ایکنجی حقوق دائره سنک برقطعه اعلامی موجنبه مصطفی ضیا بک ذمتده محکوم به اله جنی اولان معلوم المقدار مبالغت تأمین تسویه سیچون مدیون مومی الیهک جهانگیر محله سنده چهارنیکر زقاغنده کائن

اولوب جز آلتنه آلتان درت نومرولی مع باغچه براب خانه ده متصرف اولدینی درت حصه اعتباریه اوچ حصه شایعه سی لدی المزایده یکریمی بشیک غروش آلتون اچہ بدل ایله طالبی عهده سنده تقرر ایدوب موقت قرار داده سی چکامش اولدیغدن اشبو تاریخ اعلاندن اعتباراً اوتوز برکون ایچنده لاقول یوزده بش ضمیمه طالب اولانلرک یوزده اون نسبتندہ کی دیوزیتواچہ لرینی مستصحباً بک اوغلی بدایت محکمه سی اجرا دائرہ سنہ مراجعت ایملری ومدت مذکورہ ختامندہ یعنی شهر مارتک اون سکرنجی بازار کونی ساعت یدی بچق راده لرندہ قرار داده سی کشیده قلمق اوزره مذکور خانہ پیشکاهندہ مأموری مواجهه سنده حاضر بولملری دائرہ مذکورہ دن اعلان اولنور .

مدلولو تجارت محکمه سنہ :

مدلولودہ مقيم تبعہ دولت علیہ دن ودعوی وکیللردن پانده لاکي ولاحولوبو طرفندن آفالتا قریه سی اھالیسندن وتبعہ دولت مشار الیھادن ملتیدادی ولد فوندی قوطرولی علیہنہ اقامہ اولسان بر آله حق دعواسنک مدلولو تجارت محکمه سنہ غیباً جریان ایدن محاکمه سی نتیجہ سنده ایکسوز طقسان التی عدد سیم مجیدی و اوچ غروش ایله اوچسوز قرق بش غروش مصارف محاکمه نك مرقوم ملتیدایدن تحصیلنه قابل اعتراض اولق اوزره ۳۰ ایلول سنہ ۳۱۲ تاریخندہ قرار ویرلدیکی ومدعی علیہ مرقومک الیوم اقامتکاهی مجهول بولندینی جهتله اصول محاکمه حقوقیه قانوننک یوز قرق طقوزنجی ماده سی موجبنه اعلان اولنور .

محکمہ صغیر قضای بدایت محکمه سی اجرا دائرہ سنہ :

مقری قریه سنده ساقز اغاجندہ غازیوچی خرملبو ولاحولوبو بااعلام محکوم به دینندن طولانی مدیون بولنان باغچوان پترو ولدصرا ندینک عهده سنده اولوب محجوز اولان قریہ مرقومه ده زیتونلک جوارندہ کائن برطرفی پتراکی منزلی باغچه سی وچقماز زقاق وبرطرفی صدق افندی منزلی باغچه سی وروم کلیسای و دیواری وبرطرفی کلیسا جاده سی وساقز اغاجی بولی وبرطرفی قسطی زھراب ورته لری باغچه سیله محدود تخمیناً یدی دونم مقداری سبزہ باغچه سنک یکریمی بر حصه دن ایکی حصه سنک اون التی حصه اعتباریه یدی بچق حصه سی بالمزایده یکریمی بشیک غروشده طالبی عهده سنده تقرر ایدوب احواله اولیه سنہ قرار ویرلش اولدیغدن تاریخ اعلاندن اعتباراً اوتوز برکون طرفندہ یوزده بش ضم ایله

طالب اولانلرک پی اچہ لریتی مستصحباً بوندن زیادہ معلومات آلق اوزره کوچک چکمه جہ قضای بدایت محکمه سی اجرا دائرہ سنہ مراجعت ایملری اعلان اولنور .

مدلولو سوغایی بدایت محکمه سی اجرا دائرہ سنہ :

مدلولودہ مقيم تجارندن دووالتل افندینک باقلہ قریه سندن متوفی یورکی زافیر ذمتندہ بااعلام محکوم به آله جنی بولنان مبالغ معلومہ نك تأمین استیفاسی ضمتندہ محجوزاً مزایده سی اجرا قلنان متوفای مرقومک باقلہ قریه سنک پترو ماندرہ موقعندہ قرق سکرن نومرولو متصرف اولدینی بر قطعہ زیتونلکی اوچسوز الی وچفت مالاقه موقعندہ یکریمی سکرن نومرولو زیتونلککنک اوتوزالتی سھمدن طقوزسھمی التی یوز الی و آیواروارده موقعندہ اوتوز نومرولو خانہ ایله آلتندہ کی اوچ باب دکانک کذلک طقوز سھمی بشیک درتیوز غروشده طالبی عهده سنده تقرر ایدرک موقت قرار داده سی کشیده قلمغله تاریخ اعلاندن اعتباراً اوتوز برکون طرفندہ یوزده بش ضمیمه طالبینک مدلولی بدایت محکمه سی اجرا دائرہ سنہ مراجعت ایملری اعلان اولنور .

مدلولودہ کائن یورکیادی فابریقه سی مدیرلری تبعہ یونانیہ دن یانی یورکیادی اوغللری استا طونیقونک صاریجه قریه سی سکھسندن متوفی آندون سچیاکو ذمتندہ آله جنی اولوب متوفای مرقومک ترکہ سنہ واضع الید بولسان جوانو آندونیودن تحصیلی حقندہ مدلولی بدایت محکمه سی حقوق دائرہ سندن ویریلوب ۱۶ اغستوس سنہ ۳۲۲ تاریخ وبشوز بر نومرولو جریده محاکم عدلیه ایله اعلاناً تبلیغ قلنان ۳ مایس سنہ ۳۲۲ تاریخ و بر نومرولو اعلام غیبی موجبنه تاریخ اعلاندن اعتباراً طقسان برکون طرفندہ مدیون مرقوم جوانو آندونیونک اجرا دائرہ سنہ مراجعتله تسویہ دین ایلمی وقانوناً قبوله شایان بر دیه جکی اولدینی تقدیرده مدت مذکورہ طرفندہ تحریراً بیان ایتیمی وعکسی حالده حکم اعلامک اجرا ومعامله قانونیه نك ایفاسی خصوصنه دائر تنظیم اولنان اخبار نامه مدیون مرقومک الآن محل اقامتی مجهول اولق ملاسه سیله اصول محاکمه حقوقیه نك یکریمی التنجی واجرا قانوننک یکریمی طقوزنجی ماده لرینہ توفیقاً کندوسنه تبلیغ ایدلش عد اولنق اوزره مدلولو سنجانی بدایت محکمه سی دیوانخانہ سنہ تعلیق اولندینی کبی غزته ایله ده اعلاننه مبادرت قلندی ،

یونده لی آپوستول حاجی استراتینک یونده لی بقال پامینونده استراتی چاچی ذمتندہ بااعلام محکوم به آله جنی بولنان مبالغدن طولانی مرهون بولنان یونده ناحیه سنک یالی بوی موقعندہ براب مغازه سی درتیک درتیوز وپوتانی موقعندہ یتش درت نومرولی زیتونلکی بشیک غروشده اجرا قلنان مزایده سنده طالبی عهده سنده تقرر ایدرک موقت قرار داده سی کشیده قلمغله تاریخ اعلاندن اعتباراً اوتوز برکون طرفندہ یوزده بش ضم ایله طالب اولانلرک مدلولو سنجانی بدایت محکمه سی اجرا دائرہ سنہ مراجعت ایملری اعلان اولنور .

یونده لی وانکل بنایوط زاخونک یونده لی قسطنطی و آپوستول لیغوتی حاجی صوا وقز قرنداشرلی التی وانستاسیه وقالیوبی ذمتلرندہ آله جنی بولنان مبالغدن طولانی مرهون بولنان یونده ناحیه سنک لغه مناستری موقعندہ یوز قرق نومرولی زیتونلکی التییک درتیوز ویوز اون درت نومرولی زیتونلکی بییک درتیوز وتقسیارکی موقعندہ اون اوچ نومرولی زیتونلکی بییک ویکریمی بر نومرولی زیتونلکی بییک ووالیتقو موقعندہ یتش یدی نومرولی زیتونلکی ایکیییک ویتش بش نومرولی زیتونلکی التی یوز وطقسان التی نومرولی زیتونلکی ایکیییک غروشده اجرا قلنان مزایده سنده طالبی عهده سنده تقرر ایدرک موقت قرار داده سی کشیده قلمغله تاریخ اعلاندن اعتباراً اوتوز برکون طرفندہ یوزده بش ضم ایله طالب اولانلرک مدلولو سنجانی بدایت محکمه سی اجرا دائرہ سنہ مراجعت ایملری اعلان اولنور .

بره بدایت محکمه سی اجرا دائرہ سنہ :

مدلولو سنجانک یره ناحیه سنہ ملحق پاچیو قریه لی تبعہ دولت علیہ دن استراتی مانوله لیک کذلک قریہ مرقومه لی تبعہ دولت علیہ دن اولوب اقامتکاهی مجهول بولنان واسیل پورقوب دالا ذمتندہ یره بدایت محکمه سنک ۱۷ مایس سنہ ۳۲۲ تاریخلی واون التی عددلی بر قطعہ اعلامی موجبنه آله جنی اولان مبالغک تحصیلی واعلام حکمنک تنفیذ احکامی ضمتندہ دائرہ اجرایه مراجعت ایتش اولدیغدن اجرا قانوننک یکریمی طقوزنجی ماده سی حکمنه توفیقاً مدیون مرقوم اثبات وجود ایتدیک صورتندہ دینک ایفاسندن امتناع ایتش عد اوله جنی اعلان اولنور .